

Ո Ր Ո Շ ՈՒ Մ թիվ- 171
վարչական տույժ նշանակելու մասին

«23» մայիսի 2023թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով մաքսային ձևակերպումների մասնագետ՝ Արամ Գագիկի Քոչարյանի վերաբերյալ նյութերը.

Պ Ա Ր Զ Ե Ց Ի՝

ՀՀ ՊԵԿ հետքացթողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 333-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են արտագնա մաքսային ստուգում «Դիսթրիբյուշն Էյ Էմ» ՍՊ ընկերության նկատմամբ և հայտնաբերել, որ «Դիսթրիբյուշն Էյ Էմ» ՍՊ ընկերության անվամբ թիվ 05100010/050920/0055095, թիվ 05100010/150321/0012284, թիվ 05100010/230621/0036923, թիվ 05100010/230821/0051239, թիվ 05100010/270720/0043866, թիվ 05100010/300322/0022277, թիվ 05100010/301020/0070242, թիվ 05100010/301020/0070253, թիվ 05100010/201021/0065903, թիվ 05100011/061221/0044128, թիվ 05100011/230621/0020470, թիվ 05100011/260221/0005208 ապրանքների հայտարարագրերով ՀՀ ներմուծված «Սերվերային պահարանում սերվերների ամրացման և տեղաշարժման մետաղներ» նկարագրությամբ ապրանքատեսակները հայտարարագրվել են ԱՏԳ ԱԱ ծածկագրի վերաբերյալ ոչ ճշգրիտ տեղեկություններով:

ՀՀ ՊԵԿ մաքսային հսկողության վարչության 21.03.2023թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-23-000023 որոշմամբ հաստատվել է, որ թիվ 05100010/050920/0055095, թիվ 05100010/150321/0012284, թիվ 05100010/230621/0036923, թիվ 05100010/230821/0051239, թիվ 05100010/270720/0043866, թիվ 05100010/300322/0022277, թիվ 05100010/301020/0070242, թիվ 05100010/301020/0070253, թիվ 05100010/201021/0065903, թիվ 05100011/061221/0044128, թիվ 05100011/230621/0020470, թիվ 05100011/260221/0005208 ապրանքների հայտարարագրերով հայտարարագրված «Սերվերային պահարանում սերվերների ամրացման և տեղաշարժման մետաղներ» նկարագրությամբ ապրանքատեսակները ԵԱՏՄ ԱՏԳ ԱԱ 8473 30 800 0 ծածկագրի(մաքսատուրքի դրույքաչափը 0%, ԱԱՀ՝ 0 %) փոխարեն ենթակա են հայտարարագրման ԵԱՏՄ ԱՏԳ ԱԱ 8302 49 000 9 ծածկագրով (մաքսատուրքի դրույքաչափը՝ 0 %, ԱԱՀ 20 %):

ՀՀ ՊԵԿ հետքացթողումային հսկողության վարչության կողմից 23.03.2023թ. կազմվել է թիվ 0105-Ա արտագնա մաքսային ստուգման ակտն, որն ուղարկվել է ՀՀ ՊԵԿ իրավաբանական վարչություն:

Նյութերի ուսումնասիրությունից պարզվել է, որ ՀՀ ՊԵԿ Արարատյան մաքսատուն-վարչությունում և Արևմտյան մաքսատուն-վարչությունում թիվ 05100010/050920/0055095, թիվ 05100010/150321/0012284, թիվ 05100010/230621/0036923, թիվ 05100010/230821/0051239, թիվ 05100010/270720/0043866, թիվ 05100010/300322/0022277, թիվ 05100010/301020/0070242, թիվ 05100010/301020/0070253, թիվ 05100010/201021/0065903, թիվ 05100011/061221/0044128, թիվ 05100011/230621/0020470, թիվ 05100011/260221/0005208 ապրանքների հայտարարագրերը ներկայացրել է մաքսային ձևակերպումների մասնագետ՝ Արամ Գագիկի Քոչարյանը: 2023 թվականի ապրիլի 05-ին ՀՀ ՊԵԿ իրավաբանական

վարչությունում Արամ Քոչարյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է վերջինիս:

Վարչական վարույթի ընթացքում Արամ Քոչարյանը ներկայացրել է բացատրություն, որով հայտնել է, որ հանդիսանում է «Ռեգյուլու» ՍՊ ընկերության տնօրեն և «Դիսթրիբյուշն Էյ Էմ» ՍՊ ընկերության անվամբ վերոհիշյալ հայտարարագրերը ներկայացվել է իր կողմից: «Եվրասիական տնտեսական միության մաքսային օրենսգրքի 19-րդ հոդվածի 1-ին մասի համաձայն՝ Եվրասիական տնտեսական միության արտաքին տնտեսական գործունեության միասնական ապրանքային անվանացանկը, ապրանքների նկարագրման և ծածկագրման համակարգ է, որն օգտագործվում է ապրանքների դասակարգման համար՝ մաքսասակագնային կարգավորման միջոցներ, արտահանման մաքսատուրքեր, արգելքներ ու սահմանափակումներ, ներքին շուկայի պաշտպանական միջոցներ կիրառելու, մաքսային վիճակագրություն վարելու նպատակով: Արտաքին տնտեսական գործունեության ապրանքային անվանացանկը կարող է օգտագործվել ապրանքների հարկման նպատակներով և Միության իրավունքի մաս կազմող միջազգային պայմանագրերով և ակտերով և/կամ/ անդամ պետությունների օրենսդրությամբ նախատեսված այլ նպատակներով: Օրենսգրքի 20-րդ հոդվածի 1-ին մասի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Ապրանքների դասակարգման ճշգրտության ստուգումն իրականացվում է մաքսային մարմինների կողմից: ՀՀ կառավարության 03.10.2019թ. «Մաքսային հսկողության օբյեկտների, ձևերի և/կամ/ միջոցների ընտրության ժամանակ ռիսկերի կառավարման համակարգի օգտագործման և մաքսային մարմինների կողմից մաքսային հսկողության ձևերի և միջոցների կիրառման ուղեցույցը հաստատելու մասին» թիվ 1327-Ն որոշման 6-րդ կետի համաձայն՝ մաքսային մարմին ներկայացված մաքսային հայտարարագրի կամ ապրանքների բացթողման նպատակով ներկայացված այլ փաստաթղթի՝ Միության մաքսային օրենսդրությամբ սահմանված ժամկետներում գրանցվելուց հետո ռիսկերի կառավարման համակարգում մաքսային հսկողության իրականացման նպատակով ինքնաշխատ եղանակով ձևավորվում է ռիսկի պրոֆիլներին համապատասխան ռիսկերի նվազեցման միջոցառումների իրականացման ցուցումներով հսկողության ակտ, որում ներառվող ցուցումները բխում են մաքսային հսկողության հետևյալ ընթացակարգից՝ 1/ «Ապրանքների և տրանսպորտային միջոցների ավտոմատ բացթողում», որը կիրառվում է, երբ ռիսկի պրոֆիլների հիման վրա ռիսկերի նվազեցման միջոցառումների իրականացման ցուցումներ հսկողության ակտում չեն ձևավորվում: 2/ «Ապրանքների և տրանսպորտային միջոցների բացթողում՝ առանց ստուգման», որը կիրառվում է, երբ ռիսկի պրոֆիլների հիման վրա ռիսկերի նվազեցման միջոցառումների իրականացման ցուցումներ հսկողության ակտում չեն ձևավորվում: Մաքսային հսկողության այս ընթացակարգը ռիսկերի կառավարման հսկողության ակտում և մաքսային հայտարարագրի կամ ապրանքների բաց թողնման նպատակով ներկայացված մաքսային այլ փաստաթղթի մաքսային հսկողության դաշտում ստանում է «կանաչ ուղի» միջերեսային արտացոլում: 3/ «Ապրանքների և (կամ) տրանսպորտային միջոցների բացթողում՝ ստուգում իրականացնելուց հետո», որը կիրառվում է, երբ ռիսկի պրոֆիլների հիման վրա հսկողության ակտում ձևավորվում են փաստաթղթային հսկողության և (կամ) ապրանքների և (կամ) տրանսպորտային միջոցների

մաքսային զննման, և (կամ) մաքսային հսկողության այլ միջոցների կիրառման միջոցով ռիսկերի նվազեցման միջոցառումների իրականացման ցուցումներ: Մաքսային հսկողության այս ընթացակարգը ռիսկերի կառավարման համակարգի հսկողության ակտում և մաքսային հայտարարագրի կամ ապրանքների բացթողման նպատակով ներկայացված մաքսային այլ փաստաթղթի մաքսային հսկողության դաշտում ստանում է «Դեղին ուղի» կամ «Կարմիր ուղի» միջերեսային արտացոլում: «Ապրանքների և (կամ) տրանսպորտային միջոցների բացթողում՝ ստուգում իրականացնելուց հետո» մաքսային հսկողության ընթացակարգի կիրառման դեպքում մաքսային ձևակերպումների և մաքսային զննման իրավասություն ունեցող ստորաբաժանումների կողմից հսկողությունն իրականացվում է հետևյալ քայլերին համապատասխան: Որոշման 10-րդ կետի համաձայն՝ այն դեպքում, երբ ռիսկերի կառավարման համակարգի կողմից հսկողության ակտում ձևավորվում են միայն փաստաթղթային հսկողության իրականացման ժամանակ կիրառվող ռիսկերի նվազեցման միջոցառումների իրականացման ցուցումներ, սույն կետով նախատեսված մաքսային հսկողության ընթացակարգը հսկողության ակտում և մաքսային հայտարարագրի կամ ապրանքների բացթողման նպատակով ներկայացված մաքսային այլ փաստաթղթի մաքսային հսկողության դաշտում ստանում է «Դեղին ուղի» միջերեսային արտացոլում: Փաստաթղթային հսկողություն իրականացնելու իրավասություն ունեցող պաշտոնատար անձի կողմից իրականացվում է փաստաթղթային հսկողություն՝ համաձայն ռիսկերի կառավարման համակարգի կողմից ձևավորված ռիսկերի նվազեցման միջոցառումների իրականացման ցուցումների, և հսկողության ակտում լրացվում են ռիսկերի նվազեցման միջոցառումների իրականացման արդյունքներն օրենսդրությամբ սահմանված՝ ռիսկերի նվազեցման միջոցառումների իրականացման արդյունքների համապատասխան նկարագրերը մուտքագրելու միջոցով: Հսկողության ակտում մաքսային զննման իրականացման և (կամ) մաքսային հսկողության այլ միջոցների կիրառման ժամանակ ռիսկերի նվազեցման միջոցառումների իրականացման ցուցումներ չձևավորվելու դեպքում ապրանքները և տրանսպորտային միջոցները մաքսային մարմինների կողմից բաց են թողնվում առանց մաքսային զննման և (կամ) մաքսային հսկողության այլ միջոցների կիրառման: Այն դեպքում, երբ ռիսկերի կառավարման համակարգի կողմից հսկողության ակտում ձևավորվում են փաստաթղթային հսկողության և մաքսային զննման իրականացման և (կամ) մաքսային հսկողության այլ միջոցների կիրառման ժամանակ կիրառվող ռիսկերի նվազեցման միջոցառումների իրականացման ցուցումներ, կամ փաստաթղթային հսկողության իրավասություն ունեցող պաշտոնատար անձի կողմից փաստաթղթային ստուգման արդյունքում մուտքագրված արդյունքի հիման վրա ծագում է մաքսային զննման և (կամ) մաքսային հսկողության այլ միջոցների կիրառման անհրաժեշտություն, ապա սույն կետով նախատեսված մաքսային հսկողության ընթացակարգը հսկողության ակտում և մաքսային հայտարարագրի կամ ապրանքների բացթողման նպատակով ներկայացված մաքսային այլ փաստաթղթի մաքսային հսկողության դաշտում ստանում է «Կարմիր ուղի» միջերեսային արտացոլում: Մաքսային զննում իրականացնելու և (կամ) մաքսային հսկողության այլ միջոցների կիրառման իրավասություն ունեցող պաշտոնատար անձի կողմից իրականացվում է ապրանքների և (կամ) տրանսպորտային միջոցների զննում և (կամ) մաքսային հսկողության այլ միջոցների կիրառում՝ համաձայն ռիսկերի կառավարման համակարգի կողմից ռիսկի պրոֆիլների հիման վրա ձևավորված ռիսկերի նվազեցման միջոցառումների իրականացման ցուցումների, և հսկողության ակտում լրացվում են ռիսկերի նվազեցման միջոցառումների իրականացման արդյունքներն օրենսդրությամբ սահմանված՝ ռիսկերի նվազեցման միջոցառումների իրականացման արդյունքների համապատասխան նկարագրերը մուտքագրելու միջոցով: Տվյալ դեպքում իր

կողմից «Դիսթրիբյուշն Էյ Էմ» ՍՊ ընկերության անվամբ ներկայացված վերոհիշյալ հայտարարագրերով ընտրված են եղել «Դեղին ուղի» մաքսային հսկողության ընթացակարգերը և բոլոր դեպքերում ապրանքները հայտարարագրված են եղել ԱՏԳ ԱԱ 8473 30 800 0 ծածկագրերով և ոչ մի դեպքում մաքսային մարմնի պաշտոնատար անձանց կողմից ԱՏԳ ԱԱ ծածկագրի խախտում չի հայտնաբերվել, ինչի արդյունքում իր մոտ առաջացել է վստահություն, որ հայտարարագրված ծածկագիրը ճիշտ է և բոլոր դեպքերում նույն նկարագրով ապրանքը դասակարգվել է մաքսային մարմնի ստուգմամբ ընդունված ծածկագրով: Այսինքն մաքսային մարմնի կողմից դեռևս 2020 թվականին ներկայացված հայտարարագրում ԱՏԳ ԱԱ ոչ ճիշտ դասակարգում հայտնաբերելու դեպքում իր կողմից հետագայում ներկայացվելիք հայտարարագրերը կներկայացվեին ճիշտ ԱՏԳ ԱԱ ծածկագրով: Մաքսային մարմինների գործունեությունների իրավաչափության կանխավարկածից ելնելով վստահություն է ունեցել, որ խնդրո առարկա ապրանքների մաքսային հայտարարագրումն իրականացվել է ճշգրիտ տվյալներով, հետևաբար՝ գտնում է, որ վերոհիշյալ ապրանքների հայտարարագրերում ըստ ԱՏԳ ԱԱ-ի դասակարգման ոչ ճշգրիտ ծածկագիր նշելու խախտում վերագրելու գործողությունները հակասում են իրավական որոշակիության և կանխատեսելիության սկզբունքին: Հայտնել է, որ բացի այդ ՀՀ ՊԵԿ հարկային և մաքսային մարմինների բողոքարկման հանձնաժողովը իր 14.04.2023թ. 28/14 որոշմամբ ևս գտել է, «Դեղին ուղի» միջերեսային արտացոլմամբ ապրանքների մաքսային ձևակերպումն, ըստ էության իրականացվել են ուղեցույցի դրույթների պահանջների խախտմամբ, քանի, որ ներմուծված ապրանքների մասով որևէ անճշտություն՝ կապված ապրանքները սխալ ծածկագրով հայտարարագրելու հետ, չի արձանագրվել: Փաստել է նաև, որ մաքսային հսկողության «Դեղին ուղի» միջերեսային արտացոլման ժամանակ մաքսային մարմինը կարող էր ժամանակին բացահայտել և կանխարգելել ապրանքների ոչ ճիշտ դասակարգչի հայտարարագրումը: Վարչական իրավախախտումների վերաբերյալ ՀՀ օրենսգրքի 279-րդ հոդված համաձայն՝ վարչական իրավախախտման վերաբերյալ գործը քննելիս մարմինը (պաշտոնատար անձը) պարտավոր է պարզել՝ կատարվել է, արդյոք, վարչական իրավախախտում. արդյոք, տվյալ անձը մեղավոր է այն կատարելու մեջ. արդյոք, նա ենթակա է վարչական պատասխանատվության. կան, արդյոք, պատասխանատվությունը մեղմացնող և ծանրացնող հանգամանքներ. պատճառվել է, արդյոք, գույքային վնաս, ..., ինչպես նաև պարզել գործի ճիշտ լուծման համար նշանակություն ունեցող այլ հանգամանքներ: Նշվածից հետևում է, որ առկա չէ իրավախախտման սուբյեկտիվ կողմը՝ նույնիսկ մաքսային հայտարարագրերում ԱՏԳ ԱԱ ծածկագրի վերաբերյալ տեղեկությունների ոչ ճշգրիտ լինելու դեպքում իր մեղքը բացակայում է: Հարկ է համարել նաև հայտնել, որ մաքսային մարմնի կողմից «Սերվերի պահարանի պահեստամասեր» նկարագրությամբ ապրանքները նախկինում եղել են մաքսային մարմնի հատուկ հսկողության տակ գտնվող ապրանքներ, բոլոր դեպքերում դասակարգումն իրականացվել է մաքսային մարմնի կողմից և բոլոր դեպքերով դրանք դասակարգվել են ԱՏԳ ԱԱ 8473 30 800 0 ծածկագրով: Վերը թվարկված իրավական հիմնավորումներից ելնելով և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի կարգավորումներով խնդրել է իր նկատմամբ հարուցված մաքսային կանոնների խախտման վերաբերյալ գործի վարույթը կարճել:

Վերոհիշյալ միջնորդությամբ ներկայացված բացատրությունը հիմք չի կարող ընդունվել, քանի, որ մաքսային հսկողության արդյունավետությունը բացարձակ չէ մինչև ապրանքների բացաթողումը և հենց դրանով է պայմանավորված հետբացթողումային հսկողության իրականացումը, այսինքն՝ հսկողության իրականացումը ապրանքների բացթողումից հետո: Հետևաբար համակարգի կողմից «կարմիր ուղի» կամ «դեղին ուղի» ընտրելը արգելք չէ

հետագայում մաքսային ստուգում իրականացնելու, մաքսային պարտավորություն առաջադրելու և մաքսային կանոնների խախտման համար անձին պատասխանատվության ենթարկելու համար:

ԵԱՏՄ մաքսային օրենսգրքի (այսուհետ՝ Օրենսգրք) 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ նաև ապրանքների մասին, որոնց մեջ ի թիվս այլոց նշվում է անվանումը, նկարագրությունը, որն անհրաժեշտ է այն մաքսային վճարների, հատուկ, հակազնազման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Առևտրային, տրանսպորտային (փոխադրման) և (կամ) այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար:

ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտարարագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն

հողվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտարարագրելու, ինչպես նաեւ մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

«Մաքսային կարգավորման մասին» ՀՀ օրենքի 30-րդ հոդվածի 2-րդ մասի 3-րդ կետի համաձայն՝ մաքսային ձևակերպումների մասնագետի որակավորման վկայական ստանալու պարտադիր պայմաններից է մաքսային օրենսդրությանը տիրապետելը:

Ելնելով վերոնշյալից՝ Արամ Քոչարյանը, որպես մաքսային ձևակերպումների մասնագետ, պարտավոր էր իմանալ, որ «Սերվերային պահարանում սերվերների ամրացման և տեղաշարժման մետաղներ» նկարագրությամբ ապրանքատեսակը իրենից ներկայացնում է ոչ թանկարժեք մետաղներից, ընդհանուր նշանակության, օժանդակ կցամասեր կամ ամրակման մասեր/արմատուրա/, ֆուրնիտուրա կամ նույնանման արտադրատեսակ և ենթակա է հայտարարագրման ԵԱՏՄ ԱՏԳ ԱԱ ԵԱՏՄ ԱՏԳ ԱԱ 8302 49 000 9 ծածկագրով (մաքսատուրքի դրույքաչափը՝ 0 %, ԱԱՀ 20 %):

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային ձևակերպումների մասնագետ՝ Արամ Քոչարյանը 2023 թվականի մայիսի 23-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել է, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն չի ներկայացել գործի քննությանը:

Այսպիսով, գործի նյութերով պարզվել է, որ «Դիսթրիբյուշն Էյ Էմ» ՍՊ ընկերության անվամբ թիվ 05100010/050920/0055095, թիվ 05100010/150321/0012284, թիվ 05100010/230621/0036923, թիվ 05100010/230821/0051239, թիվ 05100010/270720/0043866, թիվ 05100010/300322/0022277, թիվ 05100010/301020/0070242, թիվ 05100010/301020/0070253, թիվ 05100010/201021/0065903, թիվ 05100011/061221/0044128, թիվ 05100011/230621/0020470, թիվ 05100011/260221/0005208 ապրանքների հայտարարագրերով ՀՀ ներմուծված «Սերվերային պահարանում սերվերների ամրացման և տեղաշարժման մետաղներ» նկարագրությամբ ապրանքատեսակները հայտարարագրվել են ոչ ճշգրիտ ԱՏԳ ԱԱ ծածկագրով մաքսային ձևակերպումների մասնագետ՝ Արամ Քոչարյանի մեղքով, ինչի

հետևանքով վերոնշյալ հայտարարագրերի մասով առաջացել է 3 782 101 ՀՀ դրամի չափով պակաս հաշվարկված մաքսային վճարներ, այսինքն Արամ Քոչարյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության 21.03.2023թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» ԱԴՈ-23-000023 որոշմամբ, 23.03.2023թ. կազմված թիվ 0105-Ա արտագնա մաքսային ստուգման ակտով, Արամ Քոչարյանի բացատրությամբ և թիվ 05100010/050920/0055095, թիվ 05100010/150321/0012284, թիվ 05100010/230621/0036923, թիվ 05100010/230821/0051239, թիվ 05100010/270720/0043866, թիվ 05100010/300322/0022277, թիվ 05100010/301020/0070242, թիվ 05100010/301020/0070253, թիվ 05100010/201021/0065903, թիվ 05100011/061221/0044128, թիվ 05100011/230621/0020470, թիվ 05100011/260221/0005208 ապրանքների հայտարարագրերով:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Արամ Գագիկի Քոչարյանին (նույնականացման քարտ՝ 000907782, ՀՀ, ք.Երևան, Արաբկիր, Ա.Խաչատրյան 12 շենք, 93 բն.) ճանաչել զանցառու՝ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել պակաս հաշվարկված մաքսային վճարների 50 տոկոսի չափով՝ 1 891 051 ՀՀ դրամ: /վճարումը 900005024055 հաշվեհամարին, կող-19/

2. Որոշման մասին հայտնել Ա.Քոչարյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ այն կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ